

Menembak, berniaga dalam satu masa

sosial, Facebook mengakui minat terhadap fesyen telah membantunya memperoleh duit poket sendiri sekali gus membantu meringankan beban kedua ibu bapanya.

Mula berjinak-jinak dalam perniagaan pakaian dan tudung sejak tahun lalu kini Wahidah mampu memperoleh pendapatan mencecah RM300 seminggu.

Sungguhpun pendapatan yang diperoleh kadang-kala tidak begitu konsisten, Wahidah tetap bersyukur kerana keuntungan yang diraih sentiasa melebihi modal dikeluarkan.

Wahidah yang kini menuntut di Universiti Putra Malaysia (UPM) dalam bidang perakaunan turut memberitahu, perniagaan yang diceburi kini sudah menjadi aktiviti di waktu lapangnya jika tidak terikat dengan latihan dan kejohanan.

Menurut Wahidah, mereka yang berminat untuk melihat barangan yang dijual boleh melayari ilovethezeed.blogspot.com atau www.facebook.com/thezeed.

"Kepuasan juga lebih dirasai melalui perniagaan ini tambahan jika dapat melihat barangan yang dijual laris.

"Barangan yang saya jual biasanya dalam harga yang berpatutan iaitu sekitar RM25 hingga RM80 dan mampu dimiliki kerana kebanyakan pelanggan adalah di kalangan pelajar.

"Sebagai atlet kadang-kala saya tidak mempunyai banyak masa yang terluang kerana sibuk dengan jadual sebagai atlet dan pelajar, namun saya tetap cuba memastikan ada masa diluahkan walaupun sekejap untuk perniagaan ini.

"Saya juga tidak merasakan perniagaan sebegini membebankan saya kerana jika kita pandai menguruskan masa sudah tentu tiada masalah.

"Malah, kedua ibu bapa saya juga menyokong perniagaan saya ini di samping banyak membantu terutama berkaitan modal yang diperlukan untuk membeli stok barangan dalam kuantiti banyak," kata Wahidah.

Selain mempunyai perniagaan baju dan tudung Wahidah, turut

mempunyai koleksi aksesori gelang tangan wanita yang mempunyai pelbagai warna menarik.

"Saya suka benda yang berwarna-warni kerana ia membuatkan saya lebih berkeyakinan apabila memakainya.

"Jika kebanyakan orang gemar aksesori yang nampak comel tetapi tidak bagi saya yang suka kepada barangan berbentuk unik seperti aksesori wanita berbentuk gitar," ujarnya.

Sementara itu, Wahidah yang cemerlang sewaktu bersama skuad menembak remaja kebangsaan menanam impian untuk layak beraksi pada Sukan SEA 2013 di Myanmar.

Bagi memastikan impian itu menjadi kenyataan, gadis ini berazam mahu memperbaiki prestasinya pada Kejohanan Menembak Kebangsaan yang akan berlangsung dari 20

September ini di Lapang Sasar Menembak Subang.

